



UNIVERSITÄTS-
BIBLIOTHEK
PADERBORN

Consensus Veteris Et Moderni Papatus

**Reck, Johann von der
Monasterii Westphaliæ, 1722**

§. 7mus. Motivum septimum.

[urn:nbn:de:hbz:466:1-68472](#)

§. 7mus.

Motivum septimum.

Quia hodierni Acatholici haud
aliam nobis doctrinam offerunt, quām
quæ jam pridem ab antiquissimis hæreticis
infelicitè protrusa, à sanctis Patribus con-
stanter impugnata, & à plurimis
Ecclesiæ Conciliis pro-
fligata est.

VEritatem hujus motivi ut osten-
dam breviter, juvat hic ire per
præcipua quædam hodiernorum No-
vatorum dogmata. Age, percurra-
mus illa; & ad singula simul adnote-
mus doctrinam hæresiarcharum vete-
rum, qui jam pridem occisissimi sunt,
& ab ipsis etiam Adversariis nostris
manifestæ hæreſeos condementur.
Videbimus certè, à Luthero & Cal-
vino nihil novi in lucem datum; sed
tantum incubatione novâ iterum ex-
clusa esse ova quædam vetera ac planè
rejectitia, quæ ab hæreticis antiquo-
nibus

ribus pridem posita & exclusa fuerant.

I. Doctrina * Lutheri & * Calvinii est, hominem solâ Fide ad justitiam pervenire, & salutem æternam consequi absque bonorum operum admiriculo. At hoc idem docuerunt olim Eunomiani, & alii quidam etiam temporibus Apostolorum existentes hæretici, de quibus Augustinus L. de hæresibus ad Quodvultdeum, hæresi 54. Fertur [Eunomius] usque adeò fuisse bonis moribus inimicus, ut asseveraret, quod nihil cuique obesset quorumlibet perpetratio ac perseverantia peccatorum, si hujus, quæ ab illo docebatur, fidei particeps esset: & L. de fide & operibus C. 14. excutiendum est à cordibus religiosis, ne malâ securitate salutem suam perdant, si ad eam obtainendam sufficere NB. solam fidem putaverint; bene autem vivere, & bonis operibus viam Dei tenere neglexerint. Nam etiam NB.

I 5 tem-

* Luther tom. 6. fol. 165. pag. 2.

* Calvin. l. 3. institut. c. 11. § 18. & seq.

*temporibus Apostolorum, non intellectis
quibusdam sub obscuris sententiis Apostoli
Pauli, hoc eum quidam arbitrati sunt
dicere. --- Quoniam ergo hæc opinio
NB. tunc fuerat exorta, aliæ Apostoli-
cæ Epistolæ, Petri, Joannis, Jacobi, Ju-
dæ, contra eam maximè dirigunt inten-
tionem, ut vehementer astruant, Fidem
sine operibus nihil prodesse. &c.*

II. Doctrina *Lutheri & *Calvini
est, hominem arbitrii liberi penitus
expertem esse, & à Deo inevitabili
necessitate ita interius agi, ut omnia
ejus opera, sive bona sive mala, Deo
auctori potissimum adscribenda sint.
At hoc idem ante mille & amplius
annos docuerunt Manichæi & alii
plures, qui vel ab ipsis Adversariis
nostris hæreseos notâ inuruntur. De
Manichæis quidem fatetur Augusti-
nus L. 1. contra duas Epistolas Pela-
gianorum C. 2. ita scribens: *dicunt
illi*

* Luther de servo arbitr. ad Erasmus tom. 6.
fol. 462.

* Calvin. I. 1. institut. c. 18. § 2. & 4.

illi Manichæi, quia primi hominis peccato liberum arbitrium perierit, & nemo jam potestatem habeat bene vivendi, sed omnes in peccatum carnis suæ necessitate cogantur. - - - Quis autem nostrum hoc dicat? Libertas quidem periit per peccatum; sed illa quæ in Paradiso fuit, habendi plenam cum immortalitate justitiam. - - - Liberum verò arbitrium usque adeò in peccatore non periit, ut per illud peccent maximè omnes, qui cum delectatione peccant. De aliis quoque in eundem errorem lapsis ita scribit Tom. 7. in prima ex duabus epistolis datis ad Valentinum: Venerunt ad nos duo Juvenes, Cresconius & Felix, de vestra congregazione se esse dicentes, qui nobis retulerunt, Monasterium vestrum nonnullà dissensione turbatum, eò quod quidam in vobis sic gratiam prædicent, ut negent hominis esse liberum arbitrium. Obscro itaque vos Fratres, ut idipsum dicatis omnes, & non sint in vobis schismata. Primò enim Dominus noster Jesus Christus, sicut scri-

scriptum est in Evangelio Joannis, non venit, ut judicaret mundum, sed ut salvaretur mundus per ipsum: postea vero, sicut scripsit Apostolus Paulus, judicabit Deus Mundum, quando venturus est. Si igitur non est Dei gratia, quomodo salvat mundum? & si non est liberum arbitrium; quomodo judicat mundum? Proinde librum vel Epistolam meam, quam secum supradicti attulerunt, secundum hanc fidem intelligite, ut neque negetis Dei gratiam, neque liberum arbitrium sic defendatis, ut à Dei gratia separatis.

III. Doctrina Lutheri & Calvinii est, non esse orandum pro defunctis, neque observanda jejunia per Ecclesiam Catholicam instituta. At eodem errore ante utriusque Novatoris tempora jam pridem inquinati fuere Jovinianus, Aërius, & alii plures, quos in numero hæreticorum reponendos esse, etiam ex Adversariis nostris nemo ambigit. De Joviniano docet hoc S. Augustinus L. de hæresibus ad

Quod-

Quodvultdeum, hæresi 82. ita scribens: à Joviniano quodam Monacho ista hæresis orta est ætate nostrâ, cùm adhuc juvenes essemus. Hic omnia peccata paria esse dicebat, nec posse peccare hominem lavacro regenerationis accepto, nec aliquid NB. prodesse jejunia, vel à cibis aliquibus abstinentiam. De Aërio quoque ibidem hæresi 53. ita loquitur: *Aëriani ab Aërio quodam sunt nominati, qui, cum esset presbyter, doluisse fertur, quod Episcopus non potuit ordinari: & in Arrianorum hæresim lapsus, propria quoque dogmata addidisse nonnulla dicens: NB. orare vel offerre pro mortuis non oportere: nec NB. statuta solenniter celebranda esse jejunia; sed, cùm quisque voluerit, jejunandum, ne videatur esse sub lege. Dicebat etiam Presbyterum ab Episcopo nullâ differentiâ debere discerni.*

IV. Doctrina Lutheri & Calvini est, sanctorum invocationem ab Ecclesia proscribendam esse, neque ipsorum sacris Reliquiis honorem aliquem

quem aut venerationem impendi oportere. At eodem errore , etiam in primitiva Ecclesia impliciti fuere Vigilantius , & Faustus Manichæus , quos ipsimet adversarii nostri ab hæreticorum numero excludere non volunt ; nec si velint , possunt. De Vigilantio S. Hieronymus epist. 53. ad Riparium , adversus Vigilantium , ita scribit : *Ais Vigilantium , qui κατ' αντιφεστιν hoc vocatur nomine (nam Dormitantius rectius diceretur) os fætidum rursus aperire , & putorem spurcissimum contra sanctorum Martyrum proferre Reliquias ; & nos , qui eas suscipimus , appellare cinerarios & NB idololatras , qui mortuorum hominum ossa veneremur. O ! infelicem hominem , & omni lacrymarum fonte plangendum ! Nos , non dico Martyrum Reliquias , sed ne Solem quidem & Lunam , non Angelos , non Archangelos , non Cherubim , non Seraphim , & omne nomen , quod nominatur & in praesenti saeculo & in futuro , colimus & adoramus,*

ramus; ne serviamus creaturæ potius,
quàm Creatori; qui est benedictus in
sacula. Honoramus autem Reliquias Mar-
tyrum, ut eum, cuius sunt Martyres,
adoremus. Honoramus servos, ut ho-
nor servorum redundet ad Dominum,
qui ait: qui vos suscipit, me susci-
pit &c.

De Fausto autem Manichæo idem
scribit, & errorem hunc fusissimè
insectatur S. Augustinus tom. 6. l. 20.
contra Faustum Manichæum c. 21.
ubi sic loquitur: *Quod etiam hinc
nobis calumniatur Faustus, quòd Mar-
tyrum memorias honoramus, in hoc di-
cens nos idola convertisse; non tam me
movet, ut huic calumniæ respondeam,
quàm ut ipsum Faustum ostendam, stu-
dio calumniandi, etiam ab ipsius Ma-
nichæi vanitatibus exorbitare voluisse.*

Populus Christianus memorias Mar-
tyrum religiosa solemnitate concelebrat,
& ad excitandam imitationem, & ut
meritis eorum consocietur, atque ora-
tionibus adjuvetur: ita tamen, ut nul-
li

li Martyrum , sed ipsi Deo Martyrum sacrificemus, quamvis in memorias Martyrum constituamus altaria. Quis enim Antistitum in locis sanctorum corporum assistens altari , aliquando dixit : Offerimus tibi Petre , aut Paule , aut Cypriane ? sed , quod offertur , offeretur Deo , qui Martyres coronavit ; ut ex ipsorum locorum admonitione major affectus exsurgat , ad acuendam charitatem , & in illos , quos imitari possumus ; & in illum , quo adjuvante possumus. Colimus ergo Martyres : at verè illo cultu , quæ græcè latria dicitur , cùm sit quedam propriè divinitati debita servitus , nec colimus , nec NB colendum docemus , nisi unum Deum.

V. Doctrina Lutheri & Calvinii est , sub speciebus Eucharisticis , quas venerationi publicæ circumferimus , corpus & sanguinem Christi revera præsentem non esse , adeoque nec adorari posse. Sed & ista hæresis jam dudum prostratissima fuit , primumque tradita ab hæreticis quibusdam

dam tempore Constantini Copronymi circa annum 754. deinde à quodam Joanne Scoto circa annum 850 ; ac denique, ut alios posteriores taceam, à Berengario hæretico circa an: 1050.

De prioribus fusè agitur in Sy-
nodo * Nicæna 2da, actione 6tâ, Tom.
3. sub finem, ubi error iste, quo pu-
tabant in Eucharistia tantùm esse ima-
ginem veri Corporis & Sanguinis
Christi, ita rejicitur & confutatur:
Nemo unquam Sanctorum Apostolorum,
aut gloriosorum Patrum nostrorum, in-
cruentum nostrum Sacrificium, imagi-
nem corporis illius dixerit. Nam is, qui
acepit à Domino, sic non dicit aut con-
fitetur; sed audiunt eum sic dicentem
Evangelice: nisi comederitis carnem Fi-
lli hominis, & biberitis ejus Sangu-
inem, non habebitis vitam in vobis: &
qui manducat carnem meam, & bibit
Sanguinem meum, in me manet, & ego
in eo. Et cùm accepisset panem, & gra-
tias egisset, fregit & dedit Discipulis

* Exstat tom. 7. concil. Paris. pag. 838.

suis, & dixit: accipite, edite: hoc est
Corpus meum. Non autem dixit: Su-
mite, edite imaginem Corporis mei.
Quin etiam Paulus Divinus Apostolus,
e sacris Domini verbis hauriens, dixit:
ego accepi à Domino, quod & tradidi
vobis &c. ---- Legas, quousque voles;
nusquam invenies, neque Dominum,
neque Apostolos, neque Patres, incruen-
tum illud Sacrificium, quod à Sacerdote
offertur, imaginem dixisse; verùm ipsum
Corpus & ipsum Sanguinem. De Beren-
gario autem, & Joanne Scoto, ex quo
ille suos errores hausit, fusè agitur in
variis Conciliis circa annum 1050. &
alios sequentes habitis, relatísq; Tom.
9. Conciliorum Parisiis editorum an-
no 1671: ubi præter alia etiam pag.
1050. recensetur opusculum aliquod
anno 1088. exaratum, in quo ita scri-
bitur: *Beringerius Andegavensis here-
sim sui nominis condidit, & veritatem
Dominici Corporis & Sanguinis, contra
Evangelicam veritatem abnegare pre-
sumpsit, asserens, panem & vinum in*

Sa-

Sacrificio Domini non verè, nec essentialiter, sed figuratè tantum converti in Corpus & Sanguinem Dominicum: quod Catholice Fidei & Evangelicae veritati apertissimè adversatur, uti sancti Patres docuerunt. Quapropter sanctus Leo Papa IX. eandem hæresin suo tempore ad Apostolicam Sedem per literas delatam, generali Synodi judicio diligentius ventilavit, & ventilatam Synodali judicio damnavit. ---- Deinde ipsum ad proximam tunc Synodum, in proximo Septembri ab eo Vercellis celebrandam, vocavit audiendum. Ad hanc Synodum non ipse Beringerius, sed quidam ejus fautores pervenerunt; qui eum defendere volentes, in primo aditu defecerunt. Dominus autem Apostolicus iterum Synodali judicio sententiam Beringerii & NB. librum Joannis Scoti de Corpore Domini sub anathemate damnavit; & fidem, quam omnes Catholici de veritate Corporis & Sanguinis Domini ha-ctenus habuerunt, & adhuc habent, confirmavit. ---- Victor quoque Papa,

Successor sancti Leonis Papæ, missus Legato in Gallias, Hildebrando tunc Archidiacono, sed nostri temporis Apostlico, generalem Synodum Turonis congregavit: in qua ipse Beringerius, cum se penitus defendere non posset, sub juramento propriam hæresim anathematizavit, licet postea ad eandem redierit. Nicolaus autem Papa eidem Beringerio Romæ in generali Synodo audientiam concessit, causamque ejus cum 113. Episcopis Synodali Judicio ventilavit. Sed ille iterum, cum sectam suam defendere non valeret, tandem quasi correptus, libros propriæ hæreseos, in conspectu Domni Apostolici & totius Synodi, manu propriâ concremavit; & errore abnegato, Catholicam professionem, quam in Turonensi Concilio fecerat, sub jurejurando iterum renovavit; ita pronuntians: Ego Berengarius indignus Diaconus Ecclesiæ S. Mauritii Andegavensis, cognoscens veram & Apostolicam fidem, anathematizo omnem hæresim, præcipue de qua infamatus sum: que astru-

astruere conatur, panem & vinum, quæ
in Altari ponuntur, post consecrationem
solummodo Sacramentum, & non verum
Corpus & Sanguinem Domini nostri Je-
su Christi esse &c.

VI. Doctrina Lutheri & Calvinii
est, *cœlibatum clericalem & omnia
castitatis perpetuæ vota non solum re-
jicienda; sed etiam abominationi Di-
vinæ obnoxia esse. At hoc ipsum vi-
rus ante mille trecentos annos jam
pridem ruetavere Jovinianus & Vig-
lantius, quorum impurissimas fæces
Novatores isti maluerunt resorbere,
quām incorruptæ doctrinæ fontes à
primis Ecclesiæ Patribus propinatos
bibere. De Joviniano hæretico S. Au-
gustinus l. de hæresibus ad Quodvult-
deum, hæresi 82. ita loquitur: *Virgi-
nitatem etiam Sanctimonialium & con-
tinentiam sexūs virilis, in Sanctis eli-
gentibus cœlibem vitam, conjugiorum
castorum atque fidelium meritis adæqua-
bat: ita ut quædam Virgines sacræ, pro-*

K 3

vectæ

*Calvin. l. 4. instit. C. 13.

vecte jam etatis in urbe Roma, ubi hec
docebat, eo auditio nupsisse dicantur....
Citò tamen ista hæresis oppressa & ex-
tincta est, nec usque ad deceptionem a-
liquorum Sacerdotum potuit pervenire.
De Vigilantio quoque & ejus doctrina,
in præfatione Concilii Senonensis an-
no 1528. habiti ita legitur: *rejectus*
est post eos [videlicet post Manichæum
& Aërium] *Epicureus Vigilantius, in-*
fensus admodum Ecclesiasticæ pudicitiæ;
quandoquidem immundo spiritu agita-
tus in tantam prorupit amentiam, ut
continentiam hæresin, pudicitiam dicat
libidinis seminarium. *Quare sacram*
continentiæ legem non ferens, libidini
fræna permittit, nullos volens sacris
initiari, qui uxores priùs non duxerint:
quasi nihil sit, quo homines, divinâ gra-
tiâ adjuti, distent à porcis; nihil quo
differant à brutis animantibus. *Pessimè*
certè de restituto à Christo humano ge-
nere judicat, qui ita censet. --- Pro-
banda est latinæ Ecclesiæ continentia,
utpote quæ sanctitate præfulgeat, liber-
tatem-

tatemque præstet, Dominum sine impedimento obsecrandi. Non absire ergo Ecclesiastica censurâ repulsa est Vigilantii & assertio impudenterissima.

Nimis prolixum foret, si per omnia Lutheri & Calvini dogmata cursu comedem pergerem. Qui plura volet, videre poterit ea de re Jodocum Cocciuum in *thesauro Catholico*, Jacobum Gualtherium in *Tabula Chronographica*, & Georgium Scherer S. J. partim in libello, quem germanicè den *Lutherischen Bettler-Mantel* / latinè *Lutheranum centonem* vocat, partim in *Apologia* adversùs Jacobum Herbrandum edita. Id unum ex iis, quæ hucusque dicta sunt, hic breviter sciscitari lubet, satiusne sit adstringere se societati istorum Novatorum, qui ex hæreticis etiam suomet judicio jam pridem damnatissimis doctrinam suam miserè consarcinârunt; an verò ad Catholicam Ecclesiam se adjungere, quæ hæreticos

antea recensitos tot ante sæcula legi-
timè condemnavit , & usque in ho-
diernam horam semper in sua fide sta-
bilis & immutata mansit ? Fierinc
potest, ut ea , quæ ante annos mille
& amplius à S. Augustino , à S. Hie-
ronymo , à tot aliis non minus do-
ctrinâ , quâm sanctitate præstantissimis
Patribus & Conciliis velut hæretica ,
impia , scelerata dogmata condemna-
ta ac rejecta sunt ; nunc iterum no-
vâ metamorphosi , Christiana , pia , ho-
nesta , & ab omni scelere expedita es-
se eœperint ? idque non alia ex cau-
sa , quâm quia Lutherus & Calvinus
ita censuerunt : *Sic volo, sic jubeo; stat
pro ratione voluntas?*



§ 8tavus,